



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. III. Quædam alia quæsita de Exceptionibus.

[urn:nbn:de:hbz:466:1-74990](https://nbn-resolving.de/urn:nbn:de:hbz:466:1-74990)

Nequis obstat allata Ratio dubitandi;
nam dum reus conventus oppositas Exceptiones afferat, non afferit idcirco utramque veram esse; nam, qui excipit, non propterea fatur, ut ait Glos. in c. i. V. affectu de testib. in s. sed tantum affirmat se defensurum se utrolibet, ut si succumbat uno, obtinere possit in altero.

³² Dub. 4. an, quomodo, & quando probari debeant Exceptiones à reo oppositæ? ³³ quod probari à reo Exceptiones debeant, clarum est ex l. in exceptionibus 19. princ. ff. de probat. & l. agere i. junct. l. seq. ff. h. t. Debet autem Exceptio probari plenè, & perfetè in sua specie, & forma; alias effectum suum non consequetur, neque elidet, vel differet actionem, seu intentionem Actoris.

Dilatoria Exceptiones probari debent regulariter loquendo ante contestationem litis, sicut etiam ante illam opponi debent. Hinc ad Judicis officium pertinet, ut probations super his recipiat, & tum demum ad examen principalis negotij accedat, quando per sententiam interlocutoriam super dictis Exceptionibus pronuntiavit c. exhibita 19. & ibi DD. de Judic. Quod ita verum est, ut si Judex contra fecerit, recte appellatur, & in irritum revocetur, quidquid post appellationem in causa attenitatum fuerit; ordo enim Juris exigit, ut de harum Exceptionum veritate constet, & pronuntietur, antequam Judex ad ulteriora procedat.

§. III.

Quaedam alia quæsita de Exceptionibus.

SUMMARIUM.

34. *Quis sit Finis, & Effectus Exceptionis?*
35. 36. 37. *An excipiens intentionem Adversarii censeatur fateri?*
38. 39. *An Exceptiones competentes reo profint etiam heredibus, & fidejussoribus ejus?*
40. 41. 42. 43. *Utrum admitti debeat, qui cùm ipse habeat plura Beneficia, excipit contra alium de pluralitate Beneficiorum?*

Quæritur 1. quis sit Finis & Effectus Exceptionis? ³⁴ Finem indicat Imperator princ. Inst. h. tit. ubi, *Comparate, inquit, sunt Exceptiones defendendorum eorum gratiâ, cum quibus agitur; sepe enim accedit, ut licet ipsa persecutio quâ actor experitur, justa sit, (in suo genere) tamen iniqua sit adversus eum, cum quo agitur propter circumstantias facti, quod in actionem specialiter deducitur.*

Effectus Exceptionis 1. est, quod reus excipiendo fiat Actor: quod tamen, ut n. 1. dixi, solum est intelligendum quoad onus probandi Exceptionem, non vero quoad alia. 2. si probata Exceptio fuerit, excludit id, quod in intentionem, condemnationemve

Neque obstat l. in exceptionibus cit. ibi: Exceptionem Dilatoriam opponi quidem initio, probari vero, postquam Actor monstraverit, quod afferat, oportet; nam dicendum textum hunc esse mendolum, & pro Dilatoriam legendum Peremptoriam, ut proinde non differat à l. prescriptionem 8. C. b. tit. Ratio est, quia si non est necesse Exceptiōnem Dilatoriam probari ante contestationem litis, ineptissime dicerentur Dilatoria; neque enim differunt Judicium, sed solum sententiam. Vel si quis refugiat hanc Juris correctionem, dicere cum alijs potest ibi sermonem esse de Exceptionibus Dilatorijs, quæ sunt intentionis, & facti, nempe quæ ad merita causæ pertinent: unde etiam post contestationem litis admittunt. Aliter disserendum de Exceptionibus Dilatorijs, quæ concernunt personas in Judicio intervenientes, veluti si opponatur contra Judicem, quod non habeat Jurisdictionem; contra actorem, quod non habeat, personam in Judicio; contra Procuratorem, quod non sit instrutus mandato, vel saltem non sufficienti &c. istas enim initio litis ante ejusdem contestationem probandas regulariter ratio allata probat: Regulariter, inquam; nam casibus, quibus post contestationem litis licet opponere Exceptiones Dilatoria, ijsdem etiam licet oppositas probare. Vide, quæ de hoc textu P. Wiest, hic n. 13. & alij ab hoc citt.

44. 45. 46. *An Exceptiones Dilatoria in prima Instantia omisse, opponi valeant in secunda?*
47. 48. 49. *Quid requiratur, ut opponi possit Exceptio rei judicata?*
50. 51. *Quomodo sit Exceptio Excommunicationis facienda à reo?*
52. 53. *An testis, si Exceptio criminis contra illum probata sit, puniri de illo possit?*

deductum est l. exceptio 2. princ. ff. h. tit.
3. si Dilatoria sit, absolvitur reus ab observatione Judicij; si Peremptoria, definitivè ab instituta actione. 4. quod peculiare est Exceptio Peremptoria, ex hujusmodi sententia, in favorem rei lata, oritur Exceptio rei judicata, quæ semper removet Actorem, etiam imposterum agere volentem.

Quodsi reus in Probatione Exceptio nis defecerit, non id circa Actor obtinebit, sed probare intentionem suam debet, ut obtineat. Ratio est, quia non ex Rei Exceptionibus, sed ex Actoris probationibus ferri debet sententia in causa principali.

Ddd

Dices,

Dices: non est melior probatio, quam confessio propria: ponamus igitur Cajum, conventum à Titio ex mutuo, excipiendo dicere se jam soluisse: hoc casu mutuum confessus videtur Caju; igitur nisi solutionem à se factam probaverit, causam ex propria confessione debet perdere. Resolutione hujus Replicæ pender ex resolutione dubij, de quo

35 Quaritur 2. An reus excipiens contra intentionem Adversarij eam censetur fateri? *Ratio dubitandi est*, quia, qui unum confitetur, censetur confiteri id, quod ex eo necessario sequitur. arqui ex solutionis Exceptione in casu positio necessaria sequitur fuisse contractum debitum: ergo &c. *Conf.* tripli textu Juris. 1. c. *praterea* 10. de transact, ubi per Exceptionem initæ transactionis super Jurisdictione certæ Capellæ, per quam se Monachi liberatos esse afferabant à subjectione, intentio Episcopi actoris contra Monachos fundata est, & Exceptio illa accepta pro confessione, quod antecedenter subjecti fuerint. 2. c. *venerabilem* 34. ¶ fuit quoque de elect. ubi qui allegavit se jam absolum esse à Censura, censetur fateri se fuisse excommunicatum. 3. cūm olim 19. de Censib. ubi, qui Instrumentum aliquod producit in suum favorem, nequit id amplius impugnare.

36 Sed his non obstantibus, respondendum est negativè. Ita Hiltrop. p. 2. tit. 12. n. 24. Pax Jordan. l. 14. tit. 23. n. 105. Wefenbec. ff. b. t. n. 11. Vivian. in c. 6. eod. Henr. Canif. ibid. n. 2. Laym. n. 6. Barbos. n. 1. & 2. Wagn. in Exeges. ibid. Pirk. n. 45. Wiest. n. 32. & patet per claros textus c. exceptionem 63. de R. J. in 6. c. cūm venerabilis 6. b. t. & 1. non utique 9. ff. eod. Ratio est, quia Exceptio non alia mente objicitur, quam ut elidat intentionem actoris, igitur non potest eandem intentionem actoris fundare tanquam confessio propria; sic enim operaretur simul duos effectus contrarios, quod fieri nequit. *Conf.* 1. actus agentium non operantur ultra intentionem illorum 1. non omnis 19. ff. de reb. credit. igitur cum intentione rei excipiens sit actionem elidere, non potest habere vim confessionis, & eandem actionem firmare. *Conf.* 2. Reus, hoc ipso, quod auctore non probante, eti ipsé nihil præstiterit, absolvendus sit, Exceptiōnem opponens, id facere & ad oppolitam probandum se obligare censetur solum ea conditione, si actor intentionem suam antecedenter probaverit. igitur posito, quod iste eam non probet, neque reus Exceptionem probare tenebitur, & defectus probationis eidem non obterit.

Quod dictum est de Exceptione Rei, intelligendum similiter de Replicatione actoris, ut tradit Gloss. fin. in Reg. exceptionem cit. Replicationis enim eadem, quæ Exceptionis natura est, non exceptionibus 10. c.

b. tit. unde sicut Exceptio ex parte Rei conventi non inducit confessionem, ita nec Replicatio ex parte Actoris: & sic dicendum de Triplicatione, Quadruplicazione &c.

Ad Rationem dubitandi non sequitur:³⁷ Solvi; ergo debui; nam per errorem solvi etiam indebitum potest. Aliud foret, si reus exp̄s̄e fateretur debitum, & dicat antētendo Exceptionem, Fatoe debitum, sed solvi, vel tu paetus es mihi de eo non solvendo; nam hoc casu, si reus non probet Exceptiōnem, habebitur pro confessio, & condemnabitur: & ratio est; quia confessio est separata ab Exceptione. igitur actor rejecta Exceptione, quam reus probare non potuit, recte se fundat in pura, & absoluta ejus confessione. *Ad Conf.* textus ibi allegati non obstant. *Ad 1.* ibi sermo est de confessione rei, ex qua intentio Adversarij plenè probatur; talis autem non est omnis Exceptio, quæ si prudenter, & cautè proponere eam reus velit, opponitur solum sub conditione v. g. Nego me mutuum a te accepisse, & posito, quod acceperim, tibi illud jam solvi, vel tu mecum paetus es de debito non petendo. *Ad 2. is*, de quo c. *venerabilem* cit. sermo est, petijt absolvit ab Excommunicatione: unde merito presumebatur prius fuisse ligatus eo vinculo. Hinc disparitas est inter eum, qui petijt absolvit ab Excommunicatione, & inter eum, qui opposuit Exceptionem absolutionis ab illa: prior pro confessio haberit, quia absolutio non solet peti, nisi ab eo, qui illam incurrit; non posterior, quia saepe ad cautelam absolvuntur ab Excommunicatione, etiam qui illam non incurrerunt. *Ad 3.*

producens Instrumentum reprobare illud non potest, quia illud antecedenter jam approbat, intentionem suam in eo fundando: non ita fundavit intentionem suam excipiens in agitione debiti, sed Exceptiōnem solutionis in eum finem objicit, ut si fortè probaretur debitum, id ex allegata Exceptiōne ostenderetur preemptum.

Quaritur 3. an Exceptions reo³⁸ competentes etiam profint ejus hæredibus, & fideiussoribus? Dubiam Quæstionis istius resolutionem faciunt duo textus Juris in speciem contrarij: unus l. *defensiones* 11. C. b. tit. ubi Diocletianus, & Maximianus Imp. absolute, & illimitate inquit, *Defensiones*, five *Exceptiones ad intercessores* extendi, quibus reus principalis, integro manente statu, munitus est; alter §. fin. *Inst. de Replicat.* ubi cum particula limitante plerunque accommodari - fideiussoribus dicuntur.

Concordari Jura hæc possunt distinguendo inter Exceptions merè personales, & inter Reales, seu quæ Reorum, five debitorum principalium personis ratione læsiōnis, in refactæ, competunt.

Postiores, uti sunt Rei judicatæ, factæ solutionis, paeti conventi de non petendo, Jurisjurandi, Metus, SC. Vellejani, Macedonianii

niani &c. etiam Fidejussoribus accommodantur; quia hujusmodi Exceptiones videntur minuere, & quasi auferre ipsum debitum principale, sine quo fidejussio, tanquam acceptoria, stare non potest. *l. fidejussor 16. pr. ff. de fidejuss. & l. cùm principalis 17. ff. de R. J.*

39 *Priores*, ut sunt, quæ patri, patrino, marito, donatori, socio, ultrà, quam facere possunt, conventis, competenti, fidejussoribus, & ipsis etiam hæredibus non prodesse communis sententia est teste P. Wiest. *bic n. 39.* Ratio est, quia Exceptiones istæ specialiter concessæ sunt intuitu pietatis, reverentiae, indigentiae: & hinc ne privilegium merè personale personam ejus, cui concessum est, egreditur, extra personam eorum, quos concernunt, ad hæredes, & fidejussores extendi illud non debet.

Neque inferas, hoc modo aut Exceptiones hujusmodi personales debitori Principalis inutiles fore, aut Fidejussorem versaturum in damno, si loco Principalis debitoris convenitus, totum debitum pro eo solvit: *Vel enim Principalis debitor eo casu solvendo est, vel non est sovendo: si primum, Fidejussor ab ipso petere pro ipso solutum poterit, & hic debet solvere, sive Excep*tio* hæc erit Principali inutilis; si secundum, ja*citur* am soluti patientur, & sic in damno versabitur.* *b. 4.* enim utrumque evitari, si Fidejussor convenitus super debito Rei, personali Exceptione muniti, petat, ut transferatur Judicium in Principalem, vel huic denuntier, ut veniens ex persona propria suscep*tio* Judicio Exceptionem opponat, & ostendat suâ interesse, Fidejussorem non condemnari. Vide *Zœf. ff. bic n. 23. Perez C. eod. n. 25. Wiest. 40.*

Quæritur 4. Utrum admitti debeat, qui cùm ipse habeat plura Beneficia, excipit contra alium de pluralitate Beneficiorum? *Ratio dubitandi est 1. quia in pari delicto potius favendum est reo excipienti, quam Actori replicanti l. apud Celsum 4. S. Marcellus 13. ff. de dol. mal. & met. except. & l. cùm par 154. ff. de R. J.* & hinc reus Excommunicatus excipere potest adversus Actorem excommunicatum, & auditur, non obstante replicatione Actoris de alia, vel simili Excommunicatione, ut dictum est *n. 17.* ergo pariter audiendus reus est excipiens de pluralitate Beneficiorum, non obstante Replicatione de simili pluralitate. *2. quando interest Ecclesiæ, auditur in Judicio, qui alias ab eo repellitur c. si quis 6. & ibi Gloss. V. prospexerint de reb. Eccl. non alien. sed valde interest Ecclesiæ, ne quis in ea plura obtineat Beneficia can. singula 1. dist. 89. ergo &c. 3. in causis Beneficialibus, parte non opponente, potest Judex, in modo debet inquire criminibus, & impedimentis partium c. cùm notis 19. de elec*t.* & c. cùm super 4. de caus. poss. & propri. unde in similibus causis reus, actore*

non probante, non absolvitur, ut continuit in alijs Judicijs temporalibus c. olim 25. de *script.* igitur & in præsenti casu, etiæ exceptio pluralitatis opposita non fuisset, Judex super ea inquirere poterit.

Controversia hæc dirimi ope distinctionis potest: *Vel enim iste excipit nomine proprio, vel nomine Ecclesiæ lux, & in ejus utilitatem. Si primum, non potest excipere contra alium de pluralitate Beneficiorum, si ipse plura habeat, prout statuit c. cùm Ecclesiastica 3. b. tit. & docet Vivian. ibid. in Ration. Laym. not. ut. Gonadal. n. 2. Barb. n. 1. Zœf. n. 4. Pirh. n. 32. Sannig c. 3. n. 1.* Ratio est, quia non debet quis in alijs reprobare, quod in seipso approbat, & tollerat, neque alij objicere impedimentum, vel defectum, qui similiter defectu laborat ipse. *Gloss. magn. ibid. in cas.* & quod quisque Juris in alium statuit, eo & ipse uti debet c. cùm omnes 6. de *conf.* Proceditque hoc, ut recte advertit Laym. in c. 3. cit. non tantum, cùm quis obtinet plura Beneficia incompatibilia, sed etiam cùm obtinet plura compatibilia; nam textus universaliter loquitur, & si tantum de incompatibilibus ibi locutus fuisset Pontifex, non permisisset illos Canonicos, de quibus hic textus loquitur, permanere in possessione hujusmodi Beneficiorum sine dispensatione.

Si secundum, & excipiens de pluralitate Beneficiorum opponat impedimentum istud nomine Ecclesiæ, & in ejus utilitatem, quia per pluralitatem ejusmodi Beneficiorum in diversis Ecclesijs impeditur continua residentia in una, & conf. Ecclesiastica Officia in illa rite peragi nequeunt, Excipiens, non obstante proprio vitio, præsentim si alij non adessent, qui se pro defensione Ecclesiæ vellent, aut possent opponere, super ejusmodi Exceptione audiri debet, ut contra Abb. *in c. 3. cit. n. 9. docent Imol. ibid. n. 3. & 4. Laym. l. cit. Barbos. in c. 8. b. tit. num. 1. Pirh. bic n. 33.* Ratio est, quia delictum personæ, ut reg. 76. in 6. dicitur, non debet nocere Ecclesiæ; & ad avertendum istius dananum quilibet admitti ad agendum, & excipiendo potest. Idem dici debet, si pro defensione Ecclesiæ fiat Exceptio Excommunicationis, perjurij &c. nam sic excipiens per replicationem Excommunicationis, vel perjurij repellit nequit, prout sumitur ex c. dilecti 8. b. tit. & docent Vivian. ibid. in Ration. Gonadal. n. 3. Pirh. n. 34. & hoc multo magis; quia isti in defensionem proprij Juris excipientes audiri debent: quanto igitur magis in favorem Ecclesiæ, ne eligatur, vel præficiatur indignus.

Dixi autem *Si alij non adessent; nam si alij adessent non excommunicati, non criminosi, vel simili vitio laborantes, qui se opponere vellent pro defensione Ecclesiæ, utique hi præferendi forent, ut monet Pirh.*

n. 35. cum alijs. Addit Laym. in c. 8. cit. fin. si Excommunicati tunc absolvit possint, abolutionem ijs conferendam, priusquam admissantur: sin autem absolutionem obtinare petere, vel accipere renuant, ideoque in criminis perseverent, probabiliter mox repellit posse, cum non bono zelo Ecclesiae suæ defendendæ procedere videantur.

Ad Rationes dubitandi facilis est Responsio. Ad 1. D. M. potius favendum est reo, quam actori, si reus repelli debeat ob inhabilitatem personæ. Conc. si ob natum Judicij, ut hic fit. Neg. ostendi enim, non esse æquum, ut reus improbat in alio, quod in seipso non improbat. Ad 2. patet ex dictis, nomine Ecclesiæ exceptionem formari posse etiam ab eo, qui simili laborat vitio, de quo excipit. Neque obstat Reg. 34. in 6. cum quid unda viâ prohibetur alicui, ad id aliâ viâ non debet admitti: quod videtur fieri in casu, quo is, qui prohibetur excipere suo nomine, admittitur ad excipiendum nomine Ecclesiæ; nam Regula illa intelligi debet, nisi ratio aliqua suadeat oppositum, ut admittatur aliâ viâ, quod unâ prohibetur. Ad 3. ex eo, quod Judex poslit inquirere, non sequitur, quod reus poslit oppondere; nam Judex optimo quoque modo debet prospicere Ecclesiæ.

Quæritur 5. an Exceptiones, in prima Instantia omisæ, opponi valeant in secunda? Affirmativam siadere videtur l. per hanc Divinam & C. de temp. appell. ex qua Regulæ instar tradi solet, in secunda instantia allegari, & deduci posse omnia, quæ allegata, & deducta non sunt in prima. Conf. ex ratione; quia causa Appellationis fortior naturam causæ principalis l. queri 1. fin. ff. an per al. caus. appell. atqui in causa principali omnes Exceptiones Dilatoriae opponi ante litem contestatam possunt secundum dicta n. 20. ergo &c.

Sed retinenda est negativa sententia, & dicendum regulariter in secunda instantia hujusmodi Exceptiones opponi non posse ob clarum textum l. ita demum 13. C. de procurat. ubi Exceptio inhabilitatis ad manus Procuratoris, in prima instantia omisæ, in secunda objecta militi, admissa non fuit. Ratio est, quia qui Exceptionem Dilatoriæ contra personam Judicis, Actoris, Procuratoris neglexit opponere, easdem approbasse, & juri ulterius contra eas opponendi renuntiassæ censetur, ut bene P. Wiel. hic n. 23. Excipi debent Exceptiones, quæ non inhabilitatem personæ, sed defectum, aut insufficientiam mandati in Procuratore concernunt; haec enim semper opponi possunt l. licet 24. C. de Procurat. Idem dicendum de casibus u. 21. & 22. relatis.

Ad 1. per hanc Divinam in contrarium allegatam dico, eam exaudiendam de ijs solum Exceptionibus, quas allegandi tempus in prima instantia lapsum non est; non vero

de Dilatorijs, quas opponendi tempus ordinarium est ante contestationem litis, ut dictum est n. 20. Hinc cadit etiam Conf. sumpta ex ratione; cum enim litis contestatio in secunda instantia de Jure necessaria non sit, sed ad illam extendatur, qua facta est in prima, hoc ipso, quod tempus opponendi Exceptiones Dilatoria transierit pro prima, etiam transit pro secunda instantia. Vide supra Tit. 5. n. 4. v. 2. in causis Appellatio-
nis.

Quæritur 6. quid requiratur, ut op. 47 ponni possit Exceptio rei judicata? 1. ut utiliter opponi possit, tria debent concurre-re. 1. ut eadem res petatur. 2. ut eadem petendi causa, seu eadem quæstio subsit. 3. ut eadem conditio personarum concurrat. Vivian. in c. Adversario 13. b. tit. Gonz. ibid. n. 7.

Si unum ex his deficiat, Exceptio rei judicata utiliter opponi non potest, sed reus iterum conveniri poterit. Hinc qui tantum ideo, quia rem non amplius possidet, absolu-tus fuit in Judicio ab Adversarij petitione, si is post latam sententiam incipiat iterum possidere, non obstante illa sententia, iterum pulsari à Domino rei potest, ut statuitur e. Adversario cit. & docet ibidem Vivian. in Ration. Laym. n. 4. Gonz. n. 5. Barbos. n. 1. Pirk. n. 36. & seqq. Ratio est, quia cessavit causa, ob quam sententia absolu-toria lata est; lata enim est quia cessavit rem possidere: at ponitur iterum possidere.

Quodsi autem exceptio rei judicata 48 tribus illis requisitis instruenda sit, opponi poterit non tantum coram eo Judice, a quo lata sententia est, sed etiam, si causa fuerit mixta fori, & sententia lata sit à Judice Ecclesiastico, opponi potest coram Judice sacerdotali, & vicissim, ab eoque admitti debet, ut decidi-tur c. fin. b. t. in 6. & docent ibid. Vivian. in Ration. Laym. n. 1. Barbos. n. 1. Wagn. not. 1. Pirk. n. 39. & seqq. Et universum sententia, lata à Judice competente, inter easdem personas, & in eadem causa admitti etiam debet ab alio Judice competente, quamvis diversi sit fori, & Jurisdictionis. Ancharen. in c. fin. cit. Franc. ibid. num. 2. Pirk. n. 40. bic. Ratio est, quia per sententiam Judicis jus acquisitum est parti, pro qua sententia lata est, quod Jus alias Judex lardere, vel auferre parti non potest. Conf. quia nisi unus Judex servaret legitimam sententiam alterius, derogaretur Jurisdictioni illius, eaque in contemptum deveniret, ut innuitur c. fin. cit.

Procedit hoc maximè casu, quo 49 Exceptio rei judicata à Judice sacerdotali proponitur coram Judice Ecclesiastico, & vicissim; nam et si fora istorum, & Jurisdictiones diversæ sint, se invicem tamen adjuvare debent, & mutuo Jura sua defendere. Quodsi Judex Sacerdotalis admittere Exceptiōnem rei judicata in foro Ecclesiastico nolit, eum ad hoc Judex Ecclesiasticus cogere per
Cen-

Censuras Ecclesiasticas, admonitione præmis-
sa, potest. Si vero Judex Ecclesiasticus
admittere Exceptionem rei judicatae in foro
Sæculari non velet, non à Judice Sæculari,
cum hic sit inferior Judice Ecclesiastico, sed
per suos Superiorum cogi debet, ut illam ad-
mittat c. fin. cit. *Excipitur*, nisi sententia
lata à Judice Sæculari juncta sit cum periculo
anima; tunc enim Judex Ecclesiasticus non
debet admittere Exceptionem rei judicatae
per Judicem Sæcularem: Et hinc antequam
Judex Ecclesiasticus exequatur sententiam Ju-
dicis Sæcularis, prius cognoscere debet, an
periculum animæ ex ea nullum sequatur.

50 Quæritur 7. quomodo sit Exceptio
Excommunicationis facienda à reo? R.
duobus modis opponi potest, peremptoriè,
& dilatoriè. Prioris exemplum est, quando
opponitur ad effectum annullandi Electio-
nem, vel collationem Beneficij factam ex-
communicato; posterioris, quando opponi-
tur actori, quod in Judicio stare non poslit,
quia majori Excommunicatione ligatus est.

Porro circa modum Exceptionem
hanc opponendi, & effectum illius præter
suprà dicta à n. 12. sequentia notanda sunt.
1. qui opponere eam vult, debet ipsius Ex-
communicationis speciem, & nomen Ex-
communicatoris exprimere, eamque intra
octo dies probare; alias Judex procedet in
causa, & excipientem in expensas condem-
nabit, ut habetur c. pñd. 1. §. si quis igitur h.
t. in 6. quod ita statutum est, ut fraudibus
iretur obviari, & vitarentur Dilationes.

51 2. Etsi prima vice Exceptionem suam
non probaverit, si tamen velit, potest secundò
eandem opponere, quam si probet ad-
versus actorem, hic excludetur ab agendo
c. cit. §. si verò. Ratio est, quia esse po-
test, ut post octo dies illos nova probatio-
nis copia reo præsentetur: quo calu tamen,
qua prius acta sunt, valebunt; quia factum
legitimè retractari non debet, licet casus postea
eveniat, à quo non potuit inchoari, ut dicitur
Reg. 73. in 6.

3. Ultra duas vices hæc Exceptio op-
poni non potest, præterquam si Excommuni-
catione nova emerget, vel de antiqua pro-
batio prompta, & evidens supervenerit c. cit.
§. proviso. Ratio est, quia qui toties objicit
Exceptionem criminis, neque eandem suffi-
cienter probat, præsumitur malitiosus calum-
niator, & litis indebitus prolongator c. licet
3. de testib. & l. fin. ff. de Dikation.

4. Si post rem judicatam Exceptio
Excommunicationis opponatur, et si senten-
tia prius lata maneat valida ex Reg. 78. cit.

illius tamen *executio impeditur* c. cit. §.
sed si posst. Ratio est, quia executio sen-
tentiae est species quædam actionis, quo
oritur ex judicato. igitur cum Excommuni-
catus prohibetur Actiones intentare, Ex-
ceptio Excommunicationis impedit, ne
Judex exequi posst à se latam in favorem
Actoris Excommunicati.

Quæritur 8. an Testis, si Exceptio
criminis contra illum probata sit, puniri de
illo crimen in Judicio posst? R. distinguen-
do: Vel enim crimen illud, de quo excipi-
tur contra testem, tangit negotium principale,
vel non tangit. Si hoc secundum, non
potest de eo crimen puniri testis ex eo pre-
cisè, quod contra ipsum sit probata Excep-
tio criminis, ut bene Vivian. in c. 1. b. tit. §.
sed de crimen, Laym. ibid. n. 3. Barb. n. 1.
& seqq. Ratio est, quia quando adversus
testem crimen objicitur per modum Excep-
tionis, regulariter non agitur ad hoc, ut
ipse de illo puniatur, sed ut ei non creda-
tur, igitur sufficit illum repelli à testimonio
dicendo. Conf. quia cum Judex procedit
ad petitionem Actoris, non potest conde-
mnare ultra id, quod actor petijt in Libel-
lo. Actor autem non petit puniri testem,
sed tantum arceri à testimonio; quia non il-
lum, sed Adversarium accusat. ergo.

Si primum, major est controversia. R.
Barbos. l. cit. n. 4. vult ejusmodi testem neque
extraordinaria poenâ puniendum, et si cri-
men, de quo confessus est, vel convictus,
causam principaliter contingat. Rationem
dat, quia sine Judicio instituto nulla potest
infligi poena: sed quando per meram Excep-
tionem crimen aliquod testificanti opponitur
in illo Judicio, in quo de causa testimoniū
dixit, quantumcumque crimen illud
proberet etiam per confessionem illius, cui
objicitur, dum aliud non proponitur, nul-
lum Judicium contra eum institutum dicitur.
ergo &c.

Sed contrarium videtur colligi arg.
l. ex lege 2. §. si publico s. & §. seq. ff. ad
Leg. Jul. de adult. ubi dicitur, si mulier
viro de adulterio ipsam accusanti objiciat
crimen lenocinij, licet mulier de hoc non
excusat à pena Legis, maritum tamen ob
lenocinium puniri posse. Eadem autem vi-
detur ratio esse de teste, quæ de accusatore.

Neque obstat ratio opposita in contra-
rium; nam cum de connexis sit eadem ra-
tio, etiam idem debet esse Judicium. igitur te-
stis ejusmodi non debet recedere à Judicio
impunitus: quod maximè verum est, si cri-
men causæ connexum sponte confiteatur.